

AUGLÝSING

120

12. okt.

um breyting á kærufresti til ríkisskattanevndar.

Samkvæmt heimild í 62. gr. laga nr. 46 14. apríl 1954, um tekjuskatt og eignarskatt, hefur ráðuneytið ákveðið, að á þessu ári skuli kærufrestur til ríkisskattanevndar út af tekju- og eignarskatti álögdum utan Reykjavíkur, vera til 1. nóvember 1955.

Kærufrestur fyrir Reykjavík verður auglýstur síðar.

Fjármálaráðuneytið, 12. október 1955.

F. h. r.

Sigtr. Klemenzson.

Jón Skaftason.

REGLUR

121

14. okt.

um félagsheimilið Skjólbrekku.

1. gr.

Nafn félagsheimilisins er Skjólbrekka í Mývatnssveit í Suður-Þingeyjarsýslu. Lóðin er lögð til af eigendum Skútustaða, sem er þingstaður hreppsins. Lóðarstærð er um 5000 fermetrar.

Eigendur félagsheimilisins eru Skútustaðahreppur að þrem fjórðu hlutum og U. M. F. Mývetningur að einum fjórða hluta.

2. gr.

Húsnefnd, kjörin árlega, stjórnar félagsheimilinu. Skal hún skipuð á þann hátt, er hér greinir: Tólf manna fulltrúaráð skipað 5 mönnum frá hreppsnefnd Skútustaðahrepps, þremur frá stjórn U. M. F. Mývetnings og fjórum mönnum kjörnum á almennum hreppsfundi til sama tíma og kjörtímabil hreppsnevndar nær, kys á árlegum aðalfundi 5 menn í húsnefnd. Varamenn skulu kjörnir á sama hátt. Húsnefnd skiptir sjálf með sér verkum. Hún skal halda nákvæma gerðabók um störf sín. Ef félagsheimili hættir störfum, skal afhenda Þjóðskjalasafni gerðabækur þess til vörzlu.

3. gr.

Húsnefnd heldur fundi þegar þurfa þykir. Skytt er henni að halda fund, ef 2 nefndarmanna æskja þess.

Aðalfundur fulltrúaráðs eigenda skal vera ár hvert. Skulu þangað kvaddir með hæfilegum fyrirvara allir, sem sæti eiga í fulltrúaráði, og varamenn í forföllum. Á fundinum skal húsnefndin leggja fram reksturs- og efnahagsreikning félagsheimilisins fyrir síðastliðið ár, endurskoðaða af endurskoðanda sveitarsjóðsreikninga. Einnig leggur hún fyrir fundinn fjárhagsáætlun fyrir félagsheimilið á yfirstandandi ári. Fjárhagsáætlunin skal gerð svo nákvæmt sem unnt er. Eigi má efna til verulegra útgjalda, nema samþykkt hafi verið á aðalfundi eða aukafundi fulltrúaráðs. Gildir þetta jafnt um rekstursgjöld og stofnkostnað. Reikninga og fjárhagsáætlun skal bera undir atkvæði fundarmanna. Afrit af ársreikningum félagsheimilisins skal

121 senda stjórn félagsheimilaskjós. Félagshemilið skal rekið sem sjálfstæð stofnun
 14. okt. með sérstöku reikningshaldi. Almanaksárið skal vera reikningsár þess.

4. gr.

Aðalverkefni húsnefndar eru:

- a. Að ráða húsverð, þegar þess er þörf að dómi aðalfundar, setja honum starfsreglur og sjá um að þeim sé fylgt;
- b. að ráða annað starfsfólk, ef aðalfundur telur nauðsynlegt; leita skal umsagnar húsvarðar um ráðningu starfsfólks, sem á að vinna undir hans stjórn;
- c. að ráðstafa félagsheimilinu til afnota fyrir eigendur og aðra;
- d. að ákveða gjöld fyrir afnot hússins;
- e. að annast kaup nauðsynlegra tækja og áhalda;
- f. að sjá um viðhald og endurbætur húseignar, húsbúnaðar og áhalda;
- g. að sjá um að ræsting félagsheimilisins (húss og lóðar) sé jafnan í góðu lagi og að gætt sé ýtrasta hreinlætis í umgengni;
- h. að sjá um að húsið sé hæfilega hitað og lýst;
- i. að sjá um að löggæzla sé á samkomum, ef þess er þörf.

5. gr.

Eigendur félagsheimilisins skulu, eins og aðrir, greiða fyrir afnot hússins. Skyllt er að heimila félögum innansveitar, þeim er greinir í 1. gr. laga nr. 77/1947, um félagsheimili, afnot af húsinu, gegn hæfilegu gjaldi, ef það fer eigi í bága við þörf eigendanna. Verði ágreiningur um það, hvort slíkt félag eigi rétt til afnota af félagsheimilinu, sker fræðslumálastjóri úr. Úrskurði hans má skjóta til menntamálaráðuneytisins.

6. gr.

Leiga fyrir afnot félagsheimilisins skal ákveðin svo há að nægilegt fé fái til að inna af höndum nauðsynleg gjöld, ef stofnuninni koma eigi aðrar tekjur.

7. gr.

Þess skal gætt að húseign, áhöld og annað lausafé sé jafnan hæfilega váttryggt.

8. gr.

Félag, er samkomu heldur í félagsheimilinu, skal hafa þar gæzlumann af sinni hálfu. Ef húsverður er enginn eða eigi við, þegar samkomu lýkur, skal gæzlumaður slökkva ljós, ganga örugglega frá hitunartækjum, opna loftræstingar, koma húsbúnaði og áhöldum á sinn stað, koma óskilamunum í örugga vörzlu og loka loks vel gluggum og hurðum.

9. gr.

Að lokinni hverri notkun félagsheimilisins skal húsverður eða húsnefnd sjá um ræstingu þess, þ. e. a. s. að gólf séu þvegin úr sápuvatni, salerni hreinsuð vandlega með sóthreinsandi efni og fatageymslur og búningsherbergi ræst. Árlega skal fara fram gagnger ræsting alls hússins.

10. gr.

Ganga skal þannig frá lóðinni umhverfis félagsheimilið, að auðvelt sé að halda henni hreinlegri, og skal húsverður eða húsnefnd sjá um, að hún sé jafnan vel hirt. Lóðina skal girða traustri girðingu, er haldið sé vel við. Bifreiðastæði skal halda hreinlega og vel við.

11. gr.

121

Fánastöng skal vera við húsið; hún skal vera traustlega fest og máluð hvít. Húnn og snerill mega þó vera í öðrum lit. Fánasnúran skal ávallt vera heil. Stöngin skal vera í tveimur hlutum, þannig að auðvelt sé að fella hana, t. d. ef skipta þarf um snúru eða mála stöngina. Þess skal vandlega gætt, að nota eingöngu fána með réttum litum og hlutföllum.

12. gr.

Árlega skal athuga alla húseignina vandlega með viðgerð fyrir augum. Einkum skal athuga múrhúðun, þak og þakrennur, niðurföll, hurðir og dyraumbúnaði, glugga (utan og innan), málningu, gólfduka, klæðningu veggja, hreinlætistöki, eldavél og hitunartæki, raflagnir og ljósatæki, vatnslögn og krana, gluggatjöld, leiksviðstjöld, gólf í samkomusal o. s. frv.

13. gr.

Skemmdir á húseign, áhöldum og húsbúnaði, umfram eðlilegt slit, skulu þeir kostna, er spjöllunum valda.

14. gr.

Í félagsheimilinu má hvorki veita áfengi né neyta þess. Húsnefnd getur svipt þá, sem gegn þessu brjóta, aðgangi að félagsheimilinu um tiltekinn tíma.

15. gr.

Reglur þessar, sem settar eru með skírskotun til 8. gr. laga nr. 77 frá 5. júní 1947, um félagsheimili, öðlast gildi þegar menntamálaráðuneytið hefur staðfest þær.

Framanskráðar reglur staðfestast hér með.

Í menntamálaráðuneytinu, 14. október 1955.

F. h. r.

Birgir Thorlacius.

Jóhannes Eliasson.

AUGLÝSING

122

um virðingar til brunatryggingar á húseignum samkvæmt lögum
nr. 59 24. apríl 1954.

19. okt.

1. gr.

Bæjar- og sveitarstjórnir skulu sjá um, að hlutaðeigandi dómari dómkveðji matsmenn — tvo aðalmenn og tvo til vara — til þess að framkvæma virðingar til brunatryggingar á húseignum þeim, sem lög nr. 59 24. apríl 1954, um brunatryggingar utan Reykjavíkur, ná til.

2. gr.

Markmið virðingarinnar er að finna hið sanna váttryggingarverðmæti eignarinnar á þeim tíma, sem virðingin fer fram. Í þessu augnamiði skal í virðingunni lýsa nákvæmlega hverju einstöku húsi. Á grundvelli þeirrar lýsingar skal svo ákveða hvað kosta muni að byggja slíkt hús.